

定襄縣志卷之二

建置志

王子曰險之為用尚矣治亂安危之幾固不大哉先王建國郡自為封邑自為守非歛其形勢便要以輯衆志固吾圉維國勢于不傾耳儒者闇於時變當其居卒晏然不以疆土為慮習安徂便固所區畫迨其有警倅而圖之其何及焉以余所聞世廟時虜騎數薄城下胡不大為躡蹂一豈恃有基勿定襄縣志

卷之二

建置一

壞差足禦其來而大師維垣無形之險尤隱然磐石也太史公曰形勢雖疆要以仁義為本肯哉言之矣作建置志

城池

古城周遭二十五里顏廢僅存遺址縣城在古城內北隅社齊武成河清二季周將楊忠築周遭四里七十三步卑薄不堪固守天順間屢中虜患嘉靖初知縣張榮增修隆慶元年知縣常世勳郭外

東西北三面築圍墻基廣一丈五尺高如其數時  
以它倥俁南面未築明年知縣李廷儒大修城池  
萬曆元年知縣王濯征重修西南門樓皆張九畿  
記十三年知縣白壁修東西甕門各題石刻東曰  
保障曰輯寧西曰慶成曰靖邊南曰保泰曰宣平  
小南門曰永康廣塞北門萬曆三十二年知縣王  
興包修甕城各城樓題扁自記西北兩處屢多傾  
圮三十六率一百三大五尺知縣魏從周補修四

十二年九十六丈七尺知縣王立愛補修增飾各  
城樓加以扁聯東內仍股肱畿輔外易賓暘西內  
易保障天門外易寶成爲慶成府諱南內易天  
中覽秀外仍迎薰小南門內易塞北雄觀外仍映  
暉北南向仍襟帶山河題聯鎖鑰壯金湯形勝南  
來誇第一山河雄帶礪輿圖北拱可無雙內扁覽  
勝樓題聯樓閣嚮南開風動晉昌辭愠阜財此地  
有堯天舜日城垣當北塞雉高一路壯觀固圉何

殿是漢柱秦關樓下扁晉陽鎖鑰北向易四塞今  
湯四十四年北面西東傾圮一十四丈三尺知縣董  
一經補修

縣治

縣治前代無攷洪武三年主簿李忠建在城西南  
隅累朝增飾中為堂贊政廳翼在堂西東為庫  
東西下列各房科如制甬道中有戒石亭戒石置  
儀門東北向堂後院橫界以墻中門一座進為後

定襄縣誌

卷之二

建置三

堂左廂房一間廂房後東北書房三間由廂房南  
開門東入堂後院宅門一廡內樹屏墻後宅三間  
左廂房二間宅東一門摺入後院高樓三間左右  
廂房各三間樓後空地連築界墻再後書房三間  
宅左為縣丞衙典史衙在丞之南前稍東並由儀  
門內入右為主簿衙西房科後為獄儀門外東為  
土地祠西南為武庫嘉靖初知縣張榮重修建行  
義倉于武庫北建思奉亭于宅東自記今俱廢三

十六年知縣施元重修隆慶元年裁減縣丞改為簿衙簿舊衙廢後為諸曹公廨三間萬曆二年知縣王濯征重修五季知縣安嘉士扁後堂為再思建山水亭于宅後各自記又于亭左構琴鶴軒今俱廢二十一年知縣劉天禎建賓館于土地祠右中堂舊扁拊循萬曆三十二年知縣王興改應宿堂後墻門扁思補改再思為寅恭扁賓館為親仁軒題儀門外聯地僻封微漫以延衰看黑子民貧

賦重須將疴瘵問蒼生萬曆四十二年知縣王立愛大加增修頭門橫街舊楹屏墻塞門今改徙街南街北建古晉昌坊一座三架中設門出入必關街中闢為周行人甚便之頭門北徙一丈六尺鼎新豎蓋題聯方四五十里彈丸之區土瘠民疲痼瘼無時寘念為東西中路邊鄙救邑事繁賦重拮据何日小康舊賓館湫隘土地祠不堪棲神鼎新創建改土地祠為寶館三楹高敞題好問堂有聯

何利當興何害當除諸君子嘉惠維柔韻各虛心  
見教有賢可事有仁可友予一人憑藉茲土寧忘  
折節相資改館地為祠前監捲棚為瞻拜位幽潔  
爽塏南向各界以門墻東總一門而出儀門東西  
兩隅各建廡三間為聖胥監收錢糧棲泊之所儀  
門兩角門修砌恢拓加題儀門聯叢蒙洪洞列為  
屏百里侯封雄保障牧馬潯沱環若帶一方形勝  
甲三關撤去戒石亭懸聖諭于儀門內北向護以

聯天語要在愛民蒞茲土無忘顧畏官箴不離潔  
已凜彼石即是循良易應宥為忠愛題聯忠君只  
是盡心夜寐夙興勤萬念總成一念無逸愛人莫  
先節用民窮財殫省一分可寬萬分如傷刻題名  
石于堂左右監直指李公若星訓廉謹刑碑堂後  
左監門一座題仕學軒從東入北折而抵書房撤  
塞舊門改增廂房右監門一座題種花處從西入  
以公廨前空餘地種花也思補護以聯訟牒無寬

門外春深長綠草催科有法縣中秋過屢豐年後  
堂簷額矢心天日易寅恭為四知題聯智慮聰明  
見未到性生有限起居出入念苟私天地難容鼎  
新宅門題如水清署有聯澹泊以居一座官衙清  
似水欲仁而得四封赤子盡如春宅屋簷題可與  
天知一聯為政先勞若內溝中思已任自公退食  
無慙屋漏有天知改建左廂房為三間右增一間  
樓題寧遠一聯樓聳具瞻求莫目能周部屋地當  
北極凭高手可摘星辰樓下題戴星居自內及外  
自堂及舍自上及下靡不去敝更新盡地槩加甄  
砌向未開水道按形家法疏而導之獄東有隙地  
相近獄門另蓋屋三舍名輕監以疎羈獄者詳大  
修縣治記

旌善亭

缺萬曆四十四年知縣王立愛捐俸買縣治前屏牆東邑民杜奇地興建

申明亭

舊在縣治前街南萬曆四十四年知縣王立愛改建屏牆西與旌善亭相稱

賓館見前

譙樓

缺縣堂支更民間不聞萬曆四十二年知縣王立愛置鼓南城樓上議給工食召募警夫支更

鐘樓

缺舊南城樓有古巨鐘萬餘斤許因包甌城移於廢署空地風雨漂淋一紀萬曆四十二年知

縣王立愛就廢署東南隅地砌石臺一座建樓懸藏守城民壯以時撞鳴聲聞三四十里

遠蚤暮與譙鼓翕應境內鈎然一變

胡峪巡檢司

久廢

邊儲倉

久廢

廣濟倉

久廢

預備倉

在察院東門二重上正廩一大座三架東西各三廩萬曆初年知縣王濯征安嘉士先後

修葺四十二年知縣王立愛增修上正廩三架各界以墻改中為官廳扁一方命脈改兩

旁為小廩先是本縣奉文召買備餉穀暫貯城隍廟水陸寺若干監守值時估中變增出

斗頭餘穀即以創廩二座于本倉門內之東積貯備餉穀永杜浥爛之患矣○預備倉穀

無定數本縣每季診積穀二百五十石除每月給孤貧每名五斗每口四斗罪囚每名口

三斗外餘存留備荒今并從前抵糧買貯放借存留約共二千八百九十餘石○撫院備

餉倉穀三千一百石○按院養廉倉原發官銀本四十兩萬曆三十季為始給借各役加

二收息每年一算除先經給賑今積至一百一十三兩有奇○鹽院濟民倉穀一百四十

石三斗○布政司常平社倉穀六百七十五石○提學道常平社倉穀一百五石以上各

倉並統預備倉內舊編老人一名  
裁革該吏經管斗級二名召募

### 社倉

在城芳蘭青石橫山東霍南庄村向陽村舊有  
七處久并為一穀無定穀今并放借存留約共

一千一十五石有奇亦附預備倉  
內舊編老人一名裁革總吏經管

按積儲為凶歲計也養廉以銀生息子錢倍母利  
非不後萬一荒歉銀安所用之若乘初秋穀賤盡  
糶入倉酌量每三年一出陳易新止收加一息穀  
小民必樂于從緩急得有恃賴或亦設倉之本意  
乎維是相安於成例中久而  
不變未及議請徒滋歎悔耳

### 社學

一在南門內西久廢一在察院前西門一座學  
舍三間各鄉村社學即在寺觀內

### 陰陽學

## 定襄縣誌

### 卷之二

### 建置八

### 醫學

學並缺萬曆四十四年知縣王立愛改申明  
亭為之

### 僧會司

洪武初設在高蔣村功德寺內後改在城聖  
壽院內東南歲久傾圮萬曆四十三年知縣

王立愛修建  
于院內東北

### 聖節

按習儀必於寺觀宇內皆然定襄從公署演禮不  
知始自何年知縣王立愛捐俸議修本寺令僧道

芝募化遂得修復如故佛殿簷製祝聖道場金額  
護以聯佛法空虛百鍊金剛藏世界聖人萬壽一  
方土宇永皇圖殿中設萬歲牌一座臺階如制仍  
復演禮于此漢官威儀一時再見也門內廟鄉約  
所又藉此地以宣揚  
聖化觀瞻禮體斬然一新

### 道會司

無攷



養濟院 在縣治東南隅計地一畝七分北正屋三間東西列室前門一座

學校

儒學舊在縣治南城外元大德十年知縣趙德溫重

建崔允記

國朝洪武八年縣丞徐思寧移於今縣治東北正德間

知縣王卿重修改大先師廟嘉靖三年知縣張崇增

餘萬曆十二年知縣白璧重修恢拓明倫堂二十二

年知縣劉士麟建賢關坊于明倫堂臺之南畧以門

墻儒學門在文廟西與櫺星門平列從未有扁明倫

堂在聖殿後左為日新齋右為時習齋教諭宅在堂

後訓導宅一在日新齋後一在敬一亭後因增修明

倫堂改教諭宅於日新齋後裁革舊訓導宅四十二

年知縣王立愛大加修飾北徙學門二丈四尺許新

懸儒學扁題聯秀氣抱宮墻四獄兩河再見鳳鳥馬

圖之瑞文章星彩筆拔茅蓬茹並驅雲龍風虎之交

甬路遍砌甃石西耳門扁龍門東耳門扁鳳穴易賢

關為天池堂簷增為文明護以聯六經如日月之明  
魚躍鳶飛昭察乾坤星萬象多士應星奎之運蛟騰  
鳳起聯翩鱗羽奮青霄又堂聯國家養士儲才忠孝  
節義不出庠序學校之範君子立心為己喜怒哀樂  
即是天地萬物之樞鼎新題名扁四面堂齋門宅一  
竝修葺

文廟舊為大成殿東西兩廡前戟門外東名宦祠西  
鄉賢祠中為小泮池前文廟牌坊一座三架三間東

西接以橫牆街中樹屏牆塞中門知縣王立愛改修  
文廟坊北徙一丈五尺如制改櫺星門東西橫牆作  
八字形街中屏牆徙在舊坊地屏牆東西圍以柵欄  
泮池從而上之亦如櫺星門數更拓深廣戟門扁廟  
門殿改先師殿廡各祠悉新如制臺階甬道石砌  
啓聖祠在聖殿東路牆東側開一門東入統於櫺  
星門內配享無主並祠甚苟簡且傾圮幾盡知縣  
王立愛鼎新如制修飾列門南出扁啓聖祠在櫺

星門東前出一步

敬一亭在儒學街西訓導宅前歲久傾頽知縣王立愛鼎新修葺南開一門扁敬一亭在儒學西前出一步學門遜敬一亭門廟門遜啓聖祠門竝白而前後列禮制截然矣房象乾記

按儒學前望蒙山如端人正笏相對形家善之惟後山稍遠故鄉紳久有建奎閣于明倫堂後之議謀已僉同惟是閣為後勁眎聖殿明倫堂必稍高出數尺方為合宜而可稱巋然之雄觀也緣大木未可一時猝得遂致稽阻守土者屢舉而無可藉手豈盛美將有所待耶

定襄縣誌

卷之二

建置十一

射圃 在啓聖祠前地

祭器

大錫香爐一座

大小錫燭臺二十枝

大錫爵一百箇

錫盞筮二十座

錫簠簋四件

錫鐙釧三件

錫罍餅一副

錫鍍金尊一副

白綠磁酒尊一副

綠磁盞筮一百座

紅木盞筮二百座

書籍

四書大全一部 二十本

易經大全一部 一十二本

書經大全一部 一十本

詩經大全一部 一十二本

春秋大全一部 一十八本

禮記大全一部 一十八本

性理大全一部 三十本

定襄縣志

卷之二

建置

大禮集義一部 四本

大禮纂要一部 二本

儀禮一部 四本

射禮一部

五倫書一部 六十二本

孝順事實一部 二本

太平經國書一部 二本

大明一統志一部 一十五本

皇明教諭一部

聖製忠靜服圖書一部

朝祭服圖書一部

大明仁孝皇后勸善書一部 十本

綱鑑一部 二十四本 以下萬曆四十四年知縣王立愛續置

太明官制古本一部 二本

初學記一部 十二本

定襄縣舊志一部 二本

定襄縣誌

卷之二

建置十三

韻海全書一部 六本

賦役冊一部

欽定教條一部

新修定襄縣志一部 三本

古文孝經一部

學田

○寧武道瞻學地四十四畝六分五

釐一毫坐落城東一十四畝六分貫家園一十五

畝城北一十二畝五釐一毫城西南三畝共計糧

一石二斗三升二勺五抄五撮萬曆二十四季本

道僉事劉公養志發緩金一五十兩所置每年共徵

租穀一十三石三斗九升五合三勺候本道賑濟

用○舊八蜡廟地九十二畝二分二釐入會計糧

二斗二升六合七勺二抄二撮萬曆四十四年

定襄縣誌

卷之二

建置十四

縣王立愛清出入充學田每畝歲徵租穀三斗五

升併月課諸生膳饌之需

按學田至義舉也當道且捐緩金創置况以公地為

之干義尤為至當者乎趙襄子墳餘地三十三畝有

奇歲徵租銀四兩八錢大約每畝徵穀四五斗之間

要不為多惟令里長畊種歲易其人誰肯盡力宜地

日就荒蕪耳改三園記舊八蜡廟即養濟園共地一

頃五十八畝四分七釐隆慶二年丈地步弓止一項

三十五畝九分三釐內入冊僧地一十八畝糧三斗

三升二合按地起科該一十九畝有奇豈新舊步弓

有誤也萬曆初年本縣增給至二十畝有奇餘盡為

民間侵占幾五十年矣懼人攻訐輒假首地徵糧為

詞此掩耳盜鈴也今清丈前僧地除墾閑地七畝三

分二釐外實在二十二畝六分四釐仍准僧廣成畊

種世克常住尚存地一項五畝九分七釐內除墾闢地一十三畝七分五釐餘盡沃壤以充本學月課諸生膳饌之需禮以義起法當田而情平矣并襄子墳餘地並給南北關廟民賃租而畊倘不逋租即世畊不易耳自然力勤糞多而無荒蕪之病襄子墳地漸抵於瘠故稍輕八蜡廟地之租以益之使人樂于益畊可為長久之計也

### 公署

**察院** 在縣治東北中為堂左茶廳右衣廳堂前捲棚直指康公玉揚題紀綱中外東西阜隸房頭二

門如制堂後為川堂直指陳公于廷題靜虛動直楊公師程題端本澄源東牆外為廚房西牆外為吏書房川堂後為後堂東西各臥房萬曆四十二年知縣王立愛增修頭門外

### 定襄縣誌

### 卷之二

### 建置十五

輒砌臺階前堂扁貞憲護以聯皇華使節斧持霜到處冰執瞻烈日按部行春車帶雨一方雲望見仁天後扁冰玉堂東房外別構一室分內外寔門南向置亮寔豁然靜爽

### 分司

一為藩司在東街文慶一為臬司在藩司東歲久傾圮不能駐節萬曆四十二年知縣王立愛議處詳名鼎新修葺門堂皂隸房如制仍增扁聯堂左增建茶廳堂後院東為吏書房西為廚房後為寢室東西兩臥房

按舊藩分司地勢高起乃儒學後照托屬乾地宜高不宜低也舊建公署或見及此耳今廢已久業禁止民間取土且建鐘樓于東隅之前矣議欲建襄子祠于其地前暨官廳後暨一閣可併官使駐節以為儒學之後障招僧住持長守勿壞值諸修葺之後一時未可遽竣遂爾稽格漫識其端以防士庶取土者

坊楔

古晉昌坊 在縣治前萬曆四十年知縣王立愛建

天衢坊 在儒學東街口萬曆四十三年知縣王立愛

雲路坊 在儒學西街口舊為聖城坊萬曆四十三年

恩榮坊 進士邢洪在中街南

登雲坊 舉人吳昂在南城外西路南又舉人高厚在

攀龍坊 舉人樊睿在南城外西路北

青雲得路坊 舉人喬震在縣治前西

定襄縣誌

卷之二

建置十六

鵬程坊 舉人楊涓在縣治前西

興詩坊 舉人張偉今廢

世科坊 舉人薄世祐在中街北

三禮坊 舉人張九戩今廢

桂籍傳香坊 舉人喬光大在縣治前西街

世科坊 舉人樊啓東舊在縣治前東萬曆四十三年

清華直臣坊 給事中喬光大舊為進士坊在縣治前西

鴻臚坊 知縣王立愛改建分司西



五馬坊 知州喬震在縣治前西路北

晉陽鳴鳳坊 舉人劉一貫在儒學前街西

兩京國師坊 太常寺卿管國子監祭酒事 傳新德在  
中街

龍章三錫坊 贈禮部右侍郎傅新德在中街

邊郵節鉞坊 叅政鄭友周在察院前

恩綸華寵坊 封直隸完縣知縣張燦在中街

青雲萬里坊 舉人張梧在中街

一鶚橫秋坊 舉人張保民在中街

定襄縣誌

卷之二

建置十七

靈壽坊 在察院前街西

七賢坊 在芳蘭鎮

貞節坊

一溫鍾妻喬氏在預備窟巷口 一任堯弼妻楊氏在苦水井街口 一樊邦教妻張氏

在苦水井街 一趙廷祚妻張氏在察院東 一潘廷福女潘小四在察院西 一曹廷輔

女曹小春在預備倉東

舖舍

傳遞舖

在城總舖司兵四名西路智村舖司兵三名  
西至忻州改家庄一十五里東至總舖一十  
五里東路蔣村舖司兵三名西至總舖二十  
里東至芳蘭村十里芳蘭村舖司兵三名東  
北至五臺河邊村十  
里西至總舖三十里

巡邏舖

舊南關東關智村西邢庄裡西河頭西營蘭  
臺王進村師家灣小王村蔣村砂村芳蘭村  
各官道間營有土窟遇上司經過二三村夫  
執棍坐守過去尋散夜巡絕迹盜賊安得不  
克斤乎萬曆四十二年知縣王立愛各路起  
蓋舖房共二十一所上瓦下瓦設門窗閉望  
置火炕禦寒初置更籌責令每夜各地方輪  
撥鄉夫五人執械鳴鑼宿舖巡守傳遞更籌  
至曉方週且奉撫院吳公仁度明文徧植  
樹株沿塗榆柳成陰闢地棗棗茂集一望蔚  
蔚漸為樂土矣

定襄縣誌

卷之二

建置十八

橋梁

潭沱河橋

在高村前小木橋冬架春撤

牧馬河橋

張村鐔村待陽村趙村西鄰村蔣村神山  
南作村各有小木橋冬架春撤

按沱牧漲發衝決莫如之何即冬未冰堅春而水泮各處  
木橋多為漂流民之病涉初非一日矣安得大  
力者題建如忻濟橋然貽萬民無窮之安也

兵防

武庫 見縣治

演武場

在西關外嘉靖五年知縣張崇修建演武亭將臺門樓各一座詳三園記見藝文年久廢

堞萬曆十九年知縣劉天禎復建本亭

按演武場即舊教民園嘉靖五年查大連箭道共地九十三畝八分五釐見本記久為民間侵種萬曆四十四年知縣王立愛清出以隆慶季間步弓大量共地七十五畝一分五釐除演武亭一畝五分七釐亭階下官道一畝七分將臺五分共地三畝七分七釐公占外其餘七十一畝四分三釐仍做舊時行義倉例給民耕種每畝歲徵租穀三斗五升以備教民紡織與夫周濟之需冬間仍聽民兵習武

定襄縣志

卷之二

建置十九

草場

在城隍廟西又廣計地三畝六分一釐六毫六絲○本場額編馬草四十三束二分二釐四毫

一絲三忽三微

民壯

上四班四十八名每名工食銀九兩四錢四分共百五十三兩一錢二分歌班四十八名每名

工食銀六兩二錢共二百九十七兩六錢力差內派給遇閏不加萬曆三十一年奉文每歲盡發修築邊牆本縣議留一十五名固守城池應充鼓手八十一名盡數上邊內一名係百夫長喬份之多世祿

軍器

盔甲 二十付

弓箭 九十付

弓弩 共二十二張

太鐵頭箭 三百枚

斬馬刀腰刀推刀 共一百八十八杆

雙頭快鎗三股快鎗懸鎗快鎗 共八百五十六杆

長鎗 三百九十杆  
三眼鎗 八十杆

推叉 二百杆  
旗幟 九十杆

遮箭牌懸簾架猛棍 共二千四十六件

火器

中將軍 四位

佛郎機 六十杆

定襄縣誌

卷之二

建置二十

大炮連珠炮湧珠炮 共一百一十八位

炸炮 八百四十箇  
毒虎炮 一十五位

火箭桶 一千個  
火車 八輛

火箭 三千枝  
鉛子 一萬一千五百四十顆

佛郎機藥 九十斤  
火藥 一百七十斤

毒藥 二包  
以上藏武庫

民置軍器

盔甲 一十七付

弓箭 一百七十九付

箭筒 一千箇

推刀 一百二十一杆

腰刀 七十三口

長鎗 二百六十一杆

懸鎗 二百六十九杆

推叉 一百七十九杆

旗幟 二十三杆

猛棍 二百八十三根

民置火器

將軍炮 四位

佛郎機 一箇

大炮 三十五位

連珠炮 九十二位

湧珠炮 九十二位

蓋口炮 一十位

定襄縣誌

卷之二

建置三十一

炸炮 二千三百零五箇

銃 七十四杆

鉛子 一萬一千一十顆

鐵子 七百三十顆

火藥 七千斤

以上各藏堡寨

按襄邑分屬中路距虜數百里而近屢中虜患世廟庚申九月十四日虜入境十六日攻破林木堡蕎麥寨燒高村李家樓入澤里村至十八日而去殺死于餘人有與敵者擄去又以數百計明年再過時有石州之變邑人給事中喬光大建言如宣天州縣例設守備軍戍守每歲防秋調一分戍關塞留二分護守城池此誠棄土之謀惜寢而未行至今卒未有兵衛雖額設民壯九十六名然三季一審編非統縶之子則舂鉞之夫一遇于後率津貼工食雇人低應直故事耳彼且目不識旌旗平

不閑弓箭無論虜警猝至束手以待即盜賊竊發孰為應援今欲移軍兵戍守恐彈丸之地未受其利先受其害即欲議復義兵之制其較綦寡無益緩急之用古者寓兵于農我朝正統十四年議設民壯後有保甲法事雖不同其為弭盜禦侮一也當此無兵之地而為備兵之策莫如改審編民壯為召募令閭閻勇力壯夫盡為公家之用揀選諳曉武秩陣局者四人為教師分為隊長統于百夫長仍選武生四十人習騎射即准頂民壯數內工食聽捕官節制每月三日赴教場教習坐作進退之方鎗棍弓箭之技一如營兵操演法縣正官及三年中間果有勇力超距或射藝精工者起送本道覆試不謬仍照營兵例授以名色職銜議增月糧弱夫無用者不時汰補再于保甲法內責令甲正副每甲報壯丁一人一甲一人十甲十人百甲百人千甲千人名曰鄉兵城內關廟徑赴教場各鄉村落擇純近空閑地內各備鎗棍弓箭聽保正副統率于農隙時自相操練除夏季暨輟餘三季終縣正官調集教場同民壯總閱一次申明賞罰以示激勸計習練之久人可化為精兵軍火器械不為虛具隱然有虎豹在山之勢不第潛消而不敢動脫有虜警可恃無恐也頃者先議條陳而未果兵部覆奉欽依見從民兵每十名揀選六名常川操練以四名為弓箭手二名為火器手巡捕官督率三日操練一次正印官每月一操府總捕官每季一操本道出巡閱視一操各量行賞罰以示激勸通行省直着實修舉之此其時矣邊鄙救邑從此常有禦虜長策也